

Un Mensagi di Kevin Tabb, MD

President e CEO di Beth Israel Lahey Health

24 di Junho di 2021

Mas ki tudo, kel pandimia di COVID-19 inspiran a refleti na kenhe ki nos é como organizaçon – e kuzê ki Beth Israel Lahey Health ta ripresenta. Dja nu infrenta txeu disafio un trás dotu pa mas di un ano. Duranti kel percurso, nhos tudo – funcionários – cuida di nos pacientis e nos comunidade ku habilidadis e compaixon, e nhos djuda cumpanheru. Nhos discubri, nhos inova e nhos avança ciência e arti di medicina.

A medida ki kel intensidadi e fardo di kel pandemia li (felizmenti) bai ta alivia, nos responsabilidadi ku nos pacienti, ku nos comunidade e ku cumpanheru continua. E kes responsabilidadis li mesti conduzi kes decisons ki nu ta toma como organizaçon.

Como parti disso, un sta partilha es mensagi di vídeo li hoje pa dexa nhos sabi ma nu sta avança pa requeri pa tudo nos funcionários seja vacinado contra COVID. Tudo funcionário tambem sta bem ser requerido pa vacina contra gripi ate final di ano.

Un fla “avança pa requeri” vacinaçon contra COVID-19, pamodi, modi nhos devi sabi, kel vacina atual di COVID – ki 85% di nos funcionário dja toma – sta autorizadu ku Autorizaçon di Uso di Emergencia, ou AUEs, pa governu federal. Nu ta spera ma kes AUEs ta ser retiradu na próximas simanas ou meses e ki vacinas di COVID-19 ta bem ser completamenti licenciada pa FDA ate final di ano.

Pamodi nu sabi ma alguns di nos funcionários ta xinti mas confortável pa toma vacina di COVID dipos kel licenciado formalmente pa FDA, nu ca sta bem requeri kel la, a não ser e até kes AUE seja retiradu. Dipos ki AUE for retiradu, sta bem ser requerido ki tudo funcionários ta vacinado contra COVID como condiçon di trabadjo. Claro ki nu ta encoraja fortimenti pa sta vacinado ate la, si ainda bu ca sta vacinado.

Vacinas di gripi dja dura ki sta permanentementi aprovadu pa FDA, e é pratica comum ki seja obrigatório toma vacina di gripi na mutus otus sistemas di cuidados di saudi na Massachusetts a ja algum tempo.

Un ta acretita fortementi ma nu devi spera nos funcionários, ki ta trabadjo diretamenti ku pacienti ou não, seja vacinada contra COVID e gripi pa tres motivos.

Prumero, nu teni un compromisso di protegi nos pacientis. Instituicon di cuidados di saudi moda nos é único. Nos pacientis ta conta ku nos. Kes cuidados ki nu ta das é, na maioria, não opcional. Parti di nos pacientis teni imunidade comprometido ou teni certos condiçon di saudi subjacentes, sima cancer, lupus ou artrite reumatóide.

Pa es, kel pandemia sta longi di termina. Mesmo si djas toma tudo medida kes podi pa protegi ses cabeça – toma vacina.. usa mascara... - es podi ca sta completamenti protegido. Es ta volta pa nos... es ta poi ses confiança na nos.. pa djudas şalva ses vida ou pa midjora ses qualidade di



vida. E nu teni o dever e responsabilidadi di fasi tudo ki sta na nos puder pa proteges. Un ta atcha ma podi ser mutuo difícil pa qualquer un di nos, ker individualmenti ou coletivamenti como organizaçon, vivi ku nos cabeça sabendo ma nu poi nos pacienti na risco, ma nu expos e potencialmenti nu causas mal ou morti, si nu podi evita kel la. E nu podi evital.

Sigundo, nu tem responsabilidadi pa cumpanheru – pa nos colegas, maioria – cerca di 85% - dja toma mididas pa protegi ses cabeça e ses família. Ao contrario di otus setores, porem, maioria di nos funcionários tem ki sta fisicamente presenti pa podi fasi ses trabadjo. Talvez não na un ambiente voltado pa pacienti, ma es tem ki ta bem trabadjo. Nos funcionários, alguns dos quais teni imunidade comprometido, teni expetativas resoaveis ma nu ta bem fasi tudo ki nu podi pa proteges quando es também es precisa. E isso ta inclui es spera ma colegas ki ta trabadja djunto ku es sta vacinado.

Terceiro, anos é um organizaçon baseada na arti e ciência di cuidados di saudi – e na dados. E dados ta mostra ma vacinaçon é altamente eficiencti, e é seguro. Nu devi assumi liderança, pa nos e pa kes a nos volta, na da exemplo pa comunidadi em geral di modi ki isso é importanti. Nos equipa sufri impacto di um pandemia terrivel. Sempri un obi di nos pessoal, ma es ta gostaba ma tudo alguém ta assumiba ses responsabilidadi usando mascara e distanciamento, pa nu ca fossi oprimido durante ondas sucessivas. Nu tem ki ta abri caminho pa dexa claro kanto ki é importanti assumi responsabilidadi pessoal e coletiva.

Mesmo ki nu ta acredita na direito di cada un na toma ses decison, nu ca podi dexa ki kes direitos ta supera kel possibilidadi ma nu podi transmiti un doença ku risco di vida pa un pacienti ou colega. Na verdadi, nu exige certos kusas pa trabadja li durante mutos anos, ku processos ta decorri ta procura insençon medica e religiosa. Nu ta exige prova di vacinaçon contra sarampo, caxumba e rubéola, por exemplo. E kes lá ca é nem di longi tão comum ou tão perigoso sima COVID-19 ou gripi. Também un ta atcha ma é possível tanto intendi como acredita ma psoas é livri pa toma ses decison ma kel la ca é necessariamente verdadi na un espaço di trabalho ki ta coloca otus em risco.

Ôdja, un sabi ma toma un posiçon nem sempre é fácil, ma nu mesti tem coragi pa lidera... pamodi nu sabi ma é kusa certo pa fasi, e pamodi ta vali a pena.

Também un sabi ma, como organizaçon, nu tem mas trabadjo pa fasi pa splica pamodi ki isso é importanti. Nu mesti fasi tudo ki nu podi pa ganha confiança di nhos ki podi ainda sta hesitanti. E nu sta bem fasi.

Nu sabi ma bu ta bem tem perguntas, e dja nu cria un conjunto di recursos pa djuda rispondi kes perguntas. E na kes simanas e meses ki sta ta bem, nu ta bem partilha mas informaçon sobri kuzê ki ta bem dipos, particularmenti quando FDA dá licença pa pelo meno un di kes vacina.

Até la, por favor sabi quanto un ta aprecia tudo ki nhos fasi – pa nos pacientis, pa nos comunidadi e pa cumpanheru.

Obrigado.